

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 407012 21 St
Datum: 29.11.2021. godine

Općinski sud u Tuzli, po stečajnom sudiji Ilvani Delić, u stečajnom postupku nad imovinom **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**, donio je dana 29.11.2021. godine sljedeće

R J E Š E N J E

POZIVAJU SE: stečajni dužnik kao predlagač, povjerioci i sva zainteresovana lica da u roku od 30 (trideset) dana, od dana objave ovog rješenja u „Službenim novinama F BiH“, na žiro-račun Suda, broj: 132-100-03091233-91 NLB banka dd Sarajevo, predujme iznos od **2.000,00 KM (dvijehiljadekonvertibilnihmaraka)**, na ime troškova stečajnog postupka.

Ukoliko nitko od pozvanih iz stava 1. ovog rješenja ne uplati navedeni iznos predujma u ostavljenom roku, sud će o prijedlogu za otvaranje stečajnog postupka odlučiti u skladu sa odredbama Zakona o stečajnom postupku.

Ovo rješenje bit će objavljeno u “Službenim novinama F BiH”, Oglasnoj ploči ovog suda i Web stranici suda-elektronskoj tabli suda.

O b r a z l o ž e n j e

Predlagač je dana 30.08.2021. godine podnio prijedlog za pokretanje stečajnog postupka nad stečajnim dužnikom **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**. Dana 30.09.2021. godine pokrenut je prethodni postupak radi utvrđivanja uslova za otvaranje stečajnog postupka nad imovinom privrednog društva **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**, a za privremenog stečajnog upravnika imenovan je Maja Musemić iz Tuzle.

Nakon ročišta za ispitivanje uslova za otvaranje stečajnog postupka nad imovinom dužnika održanom dana 29.11.2021. godine te uvidom u izvještaj o provedenom prethodnom postupku i u svu naknadnu dostavljenu dokumentaciju od strane privremenog stečajnog upravnika sud je našao da obaveze prikazane u izvještaju privremenog stečajnog upravnika iznose 41.677,00 KM, a prema knjigovodstvenoj evidenciji, dok porezne obaveze po osnovu uvjerenja Porezne uprave iznose 17.014,84 KM. Stečajni upravnik naveo je da je stvarne obaveze moguće utvrditi samo ukoliko se otvori stečajni postupak a na osnovu prijavljenih potraživanja. Uvidom u izvještaj utvrđeno je da društvo nema imovine.

Sud je procijenio da imovina stečajnog dužnika, ne može pokriti troškove stečajnog postupka, pa temeljem odredbe čl. 102. st. 7. Zakona o stečaju, donio odluku kao u izreci. Naime, odredbom čl.102. st.6. Zakona o stečaju propisano je da stečajni sudija otvara stečajni postupak nad imovinom dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna za pokriće troškova stečajnog postupka. Ukoliko imovina stečajnog dužnika ne pokriva troškove postupka a prijedlog je dopušten i osnovan stečajni sudija može otvoriti postupak ako zainteresovna osoba predujmi dovoljan novčani iznos za pokriće troškova.

Ovakvoj odluci ide u prilog i izvještaj privremenog stečajnog upravnika, koji je u skladu sa provedenim prethodnim postupkom našao da dužnik neće moći stvarati bilo kakvu stečajnu masu, niti će moći pokriti troškove stečajnog postupka, pa prema tome ovaj sud je osim stečajnog dužnika, pozvao

predlagače, povjerioce i sva zainteresovana lica da izvrše uplatu predujma u visini od 2.000,00 KM radi finansiranja troškova stečajnog postupka temeljem odredbe čl. 102. st.7. Zakona o stečajnom postupku.

STEČAJNI SUDIJA
Ilvana Delić

**POUKA O PRAVNOM
LIJEKU:**
nije dozvoljena žalba.

Protiv ovog rješenja